

Ngā āhuatanga me mōhio koe mō te Mārena Rēhita

Kua kore ngā mārena rēhita e tū ki ngā tari rēhita engari ka whakahaeretia kētia e ngā kaiwhakanui mārena motuhake kua rēhitatia, otirā kua whakamanahia hoki e Ngā Whānautanga, Ngā Matenga me Ngā Mārenatanga.

Kei raro nei ngā Ture me ngā Here o te whakahaere mārena rēhita. **Mehemea kāore tō hiahia e tau ki raro i ēnei paearu, me tāpui koe i tētahi mārena matawhaiaro me tō kaiwhakanui.** Tēnā kōrerotia ō hiahia me te utu whai pānga mō taua ratonga.

- Me tū nga mārena rēhita i waenga i te 9am ki te 5pm, Mane ki te Paraire, hāunga ngā rā whakatā tūmatanui me te wā o te Kirihiomete/Tau Hou.
- Kua arowhānuitia ngā mārena rēhita, e tutuki ai te taha ture mō te mārena a te tokorua.
- Kua arowhānuitia hoki ngā oati.
- Me whakapā koe ki tō kaiwhakanui rēhita i mua o te tāpuitanga, ki te whakarite mēnā kei te wātea ia i te rā e whakaerotia ana mō te mārena. E tūtohu ana mātou kia whakapā atu, hei te rua wiki, neke atu rānei, i mua o te rā mārena.
- He toru rā te roa o te wā tatari kia tukatukahia tō raihana mārena.
- Kāore e taea e koe te tāpui i tō mārena e toru marama i mua.
- He utu pūmau mō tētahi mārena rēhita.
 - Me utu hāngai ki tō kaiwhakanui, i mua i te hui mārena.
 - Kāore e āhei ngā kaiwhakanui rēhita ki te tuku nama ki a koe mō te hāereere me ngā utu tāpiri.
- Kāore e āhei te whakatū mārena rēhita ki tētahi whaitua mārena motuhake, tētahi whaitua rānei pēnei i te hōtēra, te wharekai rānei.
- Ko te wāhi o tō mārena, me 10km te tawhiti atu i te kaiwhakanui rēhita i tohua e koe.
 - Tēnā kōrerotia tētahi wāhi mārena me te kaiwhakanui.
 - Nōu te haepapa ki te whakarite me te utu i ngā utu o te wāhi, arā ngā utu kaunihera ki te whakahaerehia i tētahi papa rēhia.
- Ka whakaaetia, atu ki te 10 tāngata i tētahi mārena rēhita, tae atu ki ngā kaiwhakaatu e rua.
- Māu tonu e rapu ngā kaiwhakaatu e rua.
- He iti ake i te 20 mineti te roa o ngā mārena rēhita, mai i te wā o te tāpuitanga me te mārenatanga hoki. Ka uru ki tēnei te whakapuaki i ngā oati a te tokorua, me te waitohu i ngā pepa.
- E herea ana koe ki te whakaatu i te hāponotanga tuakiri ā-whakaahua i mua o te mārenatanga. Kāore e whakahaeretia te mārena ki te kore tēnei e tirohia.
- Kāore e āhei te whakauru mai i ētahi atu tāngata i tua atu i te kaiwhakanui, ki te mārena rēhita. Ka uru ki tēnei ngā kaiwhakarite mārena, ngā MC, ngā kaikapo whakaahua me ngā kaihopu ataata ka utua. Kāore hoki he bridesmaid, he groomsmen rānei o ngā mārena rēhita.

Ki te tono i tētahi mārena rēhita, haere ki marriages.services.govt.nz

Tirohia ngā Ture me ngā Here me te rārangī kōrero ka whakamahia, [mā te pāwhiri ki konei](#)

Kaupapahere whakakore me te tōmuri

- Ko te here i runga i a koe, kia tae koe i te wā tika. Ki te tōmuri koe, ka mate peā koe ki te tāpui wā anō.
- Ka puritia peā e te kaiwhakanui te pūtea utu, mēnā he tōmuri ake koe i te 15 mineti.
- Ka āhei te kaiwhakanui ki te pupuri i ngā pūtea ki te whakakore koe (te tokorua) i te mārena, i te mea kua oti kē te whakarite i te rā me te wā mō tō mārena kē.

Te Waitohu i te Puka Tāpui

Ka tono peā tō kaiwhakanui rēhita kia waitohu koe i te puka tāpui, e tohu ana kua pānuitia e koe, ka whakaae hoki ki ngā Ture me ngā Here o te mārena rēhita kua whakarārangihia.

Ngā mārena matawhaiaro

Ki te kore e tutuki i te mārena rēhita ō hiahia, he pai ake peā tētahi hui mārena matawhaiaro mōu. Ka mahi ngātahi tētahi kaiwhakanui motuhake ki a koe ki te whakarite i tētahi mārena e hiahia ana koe, te whakahaia koe i tō hiahia, tō ahurea me tō tāera.

Ka taea e koe te whakahaere mārena matawhaiaro ki tētahi wāhi e hiahia ana koe. Ka taea te whakahaere i te rā o te wiki e pai ana ki a koe, tae atu ki ngā rā whakatā tūmatanui. Ka taea hoki te whakahaere i ngā hāora katoa o te rā e hiahia ana koe. He rerekē te āhua o ngā utu me ngā kawenga ratonga mō ngā hui mārena matawhaiaro. He mea nui kia wānanga koe i ēnei āhuatanga i mua o te whakapā atu ki tō kaiwhakanui.

Te reo Māori, reo Ingarihi rānei

He putanga reo Māori, reo Ingarihi hoki o te hui mārena rēhita me ngā oati.

Ngā whakamāori

Māhau tonu e whakarite i tētahi kaiwhakawhiti reo ki te kore te kaiwhakanui, te tokorua, ngā kaiwhakaatu rānei/hoki e mārama ki te reo kotahi. I mua o te tūmatanga o te mārena, me waitohu te kaiwhakawhiti reo [i te Whakapuakanga ki te whakamāori i tētahi hui mārena, hononga ā-ture rānei](#).

Ka taea tēnei te tikiakē mai i te paetukutuku a te kāwanatanga. Me waitohu te puka nei e te kaiwhakanui.